



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Art. I. Rectitudo Virtutum verarum.

[urn:nbn:de:hbz:466:1-46065](#)

brice, quam erigit, sunt virtutes, necesse est earum rectitudinem diligenter explorari: nisi enim recte fuerint, & ad Perpendiculum, non potest firmiter Aedificium consistere. Huius rei gratia duo praemittenda sunt.

ARTICULUS I.

RECTITUDO

Virtutum verarum.

VIRTUS omnis si vera, est Recta, cum formaliter in se spectata, tum causaliter, efficiendo rectitudinem in subiecto, cui inhæret. Quod liquet imprimis ex Sacra Scriptura, in quâ virtute prædicti homines dicuntur Recti, & Recti co-densempe, ob virtutem, quæ recta est, ac rectos facit. Psalmus cxl. Generatio Rectorum benedicetur. Ubi sive sumatur generatio pro seculo &c ætate, ut in illo, secundum aliquos, Generatione ejus quis enarrabit? sive pro sobole & progenie, ut communis est interpretatio, denotans filios & nepotes ex rectis parentibus ortos, si genitores imitentur, Recti significant probos, virtute ornatos, justos; quare Hieronymus vertit: Generatio Iustorum. Sed revera nomen Hebraicum, ut notat Lorinus, propriè significat rectos: quos postea Rectos corde vocat. In eum Psalmum S. Augustinus: *Quam bonus Israël Deus iis qui recto sunt corde?* Rectum autem cor est, non resistere patri emendant, & credere pollicenti: non eorum, quibus commoventur pedes. & effunduntur gressus, atque labuntur. Psalmus viii. eadem utens phrasi dicitur Psaltes suavissime canit ad consolationem ju-

Nn 2

istorum

(a) Tesciarim שרים

storum salvos facit Rectos corde. Qui non deflectunt à re-
tudine virtutis, inquit S. Basilius: idemque perpen-
dens, quod immediate præcesserat. Consumetur nequitas
peccatorum, & diriges justum: Rectus, inquit, Iustus nominatur,
& rectum cor, quod benè facit. Quid igitur vult, bis orando Pro-
pheta? Orat enim, ut qui jam Rectus est dirigatur. Nihil, diset
aliquis, obliquum, aut obtortum, seu transversum in recto est. Sed
profectò necessaria hac pro iusto petitio est, ut rectum mentis ejus
propositum, per directionem divinam, & manuductionem Domini
niregatur: ne per fragilitatem quandoque, veluti à Canone (re-
gula, perpendiculo) veritatis nutando declinet, neque a veri-
tatis amico perversis lādatur dogmatis.

SIMILI modò in Psal. vii. S. Augustinus, disputans
quomodo saluus fiat Iustus, qui est rectus & sanus? res-
pondet, id non contingere per justificationem à pecca-
to, quasi transferatur à morbo ad sanitatem, sed per
conservationem in justitiâ, quomodo medicus, non so-
lum satis facit officio sanando ægrotum, sed etiam con-
servando sanum. Iterum S. Basilius *Rectus est corde*, ait, qui
animum retinet neutrobique vergentem, sic ut neque
excedat, neque desit sibi, sed in medio virtutis consistat.
Quamobrem è contrario Scriptura illos homines vo-
cat obliquos & obtortos, qui à virtutis medio ad exces-
sum, aut defectum tendunt. Quemadmodum obliqua
fit linea, si nunc in curuum, nunc in convexum ejus re-
titudo infringatur, seu oblique tur. Sic item cor obli-
quum est, quod nunc per superbiam arrogantiamque
effertur; nunc per ærumnas, calamitates, & dolores de-
iicitur.

Cv m superioribus, de bono & justo, quâ recto, con-
venit illud Canticorum 1. *Recti diligunt Te*: id est, probi,
justi, virtute prædicti, qui recti sunt corde diligunt Te, o
Sponse cœlestis, ut ex S. Gregorio, iusto Orgelitano, &
Apo-

Aponio sumitur. Idem indicat Philo Carpathius Cantorum Interpres Græcus, qui describit rectitudinem cordis, quod contineat se ab omni specie delictorum: & rectum corde, qui conscientiam suam Dei Legi conformat, ejusque mandata omnia intento corde perficit. LXX. Interpretes vertunt sententiam illam per abstractū: *Æquitas dilexit Te*, Arabicus, *Rectitudo dilexit Te*: Hebraicus admittit plurale, *Rectitudines dilexerunt Te*: id est, ut interpretantur aliqui, omnes virtutes, omnes virtutis studiosi, probi omnes. Addit Origenes: dicitur Rectitudo diligere Sponsum: quia hæc rectitudo, quæ est custodia mandatorum Dei, præparat cor ad amandum Deum, expellit iniquitatem, qua pulsa advenit Caritas, in qua summa est rectitudinis & perfectionis. Monet deinde idem Adamantius, ut cogitet quilibet virtutis & perfectionis amans, *Æquitatem esse Regulam quandam nempe architectonicam*. & illam adhibeat, ac super inducat, ut si quid in anima curuum, si quid tortuosum, ad hujus Regulæ lineam refecetur. Sic erit revera Rectus: ad quod epitheton duo requiruntur: *Vita*, sive *actio*, & *Intentio*: ut vita & actio in se sit recta, scilicet, honesta & justa: tum, ut quæcumque fiunt, recta intentione fiant. Quare S. Thomas, effatum illud, *Recti diligunt Te*, expōnens, per Rectos ad significari adfirmat, qui rectam habent intentionem: quales sunt, qui uni Deo placere student, eumque sibi vitæ & operationum omnium finem statuunt.

SED magis universè, *Recti*, sunt virtute præditi, & rectitudo virtus omnis: nam nulla est, quæ non sit rectitudo quædam. Unde definitur ab Augustino: *Bona qualitas mentis, qua rectè vivitur, qua nemo male uititur, quam Deus in homine sine homine operatur*. Rectitudinem autem illam putat Guilielmus Parisiensis lib. de virtut. cap. 12. in eo

confistere, quod versetur inter extrema duo vitiosa: scilicet, in medio est virtus. Porro, peculiari quodam modo nominantur *Recti corde* interdum, qui nunquam deflexerunt à rectitudine per actum peccati; vel exciderunt à gratiâ quam se in acceperunt. Quod insinuari existimant quidam abdito intellectu in versiculo illo psalmi xxxi. *Lætamini in Domino & exultate Iusti, & gloriamini omnes Recti corde.* Quasi invitentur quidem ad lætandum & exultandum in Domino omnes justi; sed ad gloriam, solummodo *Recti corde*: quod plus est; quemadmodum & majus illud est, quam à peccato converti. Ejusdem subtilitatis est additamentum istud: Justificatum à peccatis quamvis rectus fiat, aptius correctum dici, quam *Rectum*.

LEGENDIS. Bernardus Sermone xxiv. in *Canticis*, ubi ex recta corporis formâ mentem quoque & voluntatem rectam esse debere argumentatur. Julius Mazarinus in *Psalmum Miserere*, discurso 68 & 69. Joannes Lorinus in *caput vii. Ecclesiastæ*, & cap. secundum *Adiutorium*, ac *Psalm. viii. Cornelius à Lapide Cantic. i. 4.*

ARTICULUS II.

PRAVITAS

Virtutum falsarum.

ITA appello Virtutes apparentes tantum; fucatas, fictas, simulatasque. Constat enim multos virtutem simulare, quibus non est nisi falsa virtus, verum vitium. Religione in & obedientiam simulabat Saul coram populo & Samuele. Absolon humanitatem, caritatem, zelum justitiae erga Israëlitas, qui ad parentis sui tribunal prope-